

Headline
Date
Media Title
Section
Circulation
Readership

Empat terima biasiswa Litrak
28. Aug 2008
Harian Metro
Setempat
336603
2192000

Language
Page No
Article Size
Frequency
Color
AdValue

MALAY
6
165 cm2
Daily
Full Color
2125.39



MESRA...Ismail (lima dari kanan) beramah mesra dengan penerima biasiswa Litrak, semalam.

Empat terima biasiswa Litrak

PETALING JAYA: Empat pelajar institut pengajian tinggi awam (IPTA), menerima anugerah biasiswa daripada syarikat konsesi lebuhraya, Lingkaran Trans Kota Sdn Bhd (Litrak), semalam.

Majlis disempurnakan Timbalan Ketua Pengarah Lembaga Lebuhraya Malaysia (LLM), Ir Ismail Md Salleh.

Turut hadir Pengarah Kumpulan Litrak, Datuk Ir Azmi Mat Nor; Ketua Pegawai Eksekutifnya, Szally Said dan Ketua Pegawai Operasinya, Richard Lim.

Sejak mula diperkenalkan pada 2000, Litrak menawarkan biasiswa kepada 34 pelajar membabitkan peruntukan mencecah RM800,000 dengan tahun ini jumlah keseluruhan tajaan menjangkau RM99,000.

Litrak akan menaja penerima sehingga mereka tamat pengajian dengan menampung yuran pengajian setiap semester selain memberi wang saku bulanan RM500 setiap bulan.

Pemberian itu sebagai tanda Litrak tidak pernah mengabaikan tanggungjawab

sosialnya kepada masyarakat selain sedar bimbingan serta sokongan sektor korporat membolehkan graduan mencapai kecemerlangan sekali gus membimbing generasi muda.

Empat pelajar terbabit daripada pelbagai latar belakang keluarga dan pendidikan yang menerima biasiswa itu semalam ialah Muhamad Akbar Al Has Abd Latif, 19; Nor Aimuni Md Rashid, 20; Rose Hazira Hassan, 22, dan Tan Ho Inn, 21.

Muhamad Akbar Al Has berkata, dia bersyukur dan amat berterima kasih kepada Litrak kerana syarikat itu sudi menanggung pengajiannya selama empat tahun di Universiti Putra Malaysia (UPM) dalam bidang kejuruteraan mekanikal.

"Sebelum menerima biasiswa ini keluarga banyak menasihatkan saya supaya berfikir banyak kali kerana bimbang prosedur atau perjanjiannya boleh mendatangkan kesan buruk, namun selepas mendapat maklumat jelas daripada Litrak, saya tidak ragu-ragu," katanya.